



Մ Ա Յ Ր Ա Թ Ո Ռ Ո Ւ Մ

ՄԱՐՏԻ 12-ին, ԵՐԵՎԱՆԻ, Լենինական մեկնեց գերաշնորհ Տ. Սահակ արքեպիսկոպոս Տեր-Հովհաննիսյանը, ընկերակցությամբ հոգեշնորհ Տ. Հայրիկ վարդապետ Ավետիսյանի, հովվական այցելության համար:

Ամսի 17-ին սրբազանը Լենինականում, սուրբ պատարագի ընթացքում, քահանա ձեռնադրեց Ս. Աստվածածին եկեղեցու սարկավագ Կարապետ Քելամյանին:

Սրբազանը քարոզեց Լենինականում, հոգեպես մխիթարելով հավատացյալներին:

Նորընծա Տ. Կարապետ քահանա Քելամյանը երեց որդին է Լենինականի ծխատեր Տ. Հակոբ ավագ քահանայի: Տ. Կարապետ քահանան ծնվել է 1919 թվականին Մուսալեռան Հաջի-Հաբիրլի գյուղում: 1946 թվականին ներգաղթել է Հայրենիք: Մանկությունից սեր է ունեցել գեպի հոգևոր ասպարեզ: Նա ծառայել է երկար տարիներ Լենինականի Ս. Աստվածածին եկեղեցում և 1957 թվականի փետրվարին ձեռնադրվել էր սարկավագ:



ՄԱՐՏԻ 14-ին, ՀԻՆԳՇԱՐԹԻ, երեկոյան ժամը 4-ին, Հոգևոր Ճեմարանում ուսանողության համար դասախոսություն կարդաց Ճեմարանի դասախոս պ. Արթուր Հատիտյանը՝ «Ի՞նչպես պետք է դիմավորել Մեծ պահջը Հոգևոր Ճեմարանում» թեմայով:



ՄԱՐՏԻ 16-ին, ՇԱՐԱԹ, Մայր Տաճարում, երեկոյան ժամերգությունից հետո քարոզեց Ս. Հովհաննիսյանը վանքի վանահայր հոգեշնորհ Տ. Նահապետ վարդապետ Մուրադյանը՝ «Զի որդին իմ մեռեալ էր և եկեաց, կորուսեալ էր և գտաւ» ընթերցանով: Ժամերգության և քարոզին ներկա էր Վեհափառ Հայրապետը:



ՄԱՐՏԻ 17-ին, ԱՆԱՌԱԿԻ ԿԻՐԱԿԻՆ, Մայր Տաճարում սուրբ և անմահ, պատարագ մատուցեց հոգեշնորհ Տ. Մեսրոպ վարդապետ Անթարյանը: Քարոզեց հոգեշնորհ Տ. Խորեն վարդապետ Էլշուշյանը՝ «Նկայք առ իս ամենայն վաստակեալք» ընթերցանով:

Սուրբ պատարագին ներկա էր Վեհափառ Հայրապետը:



ՄԱՐՏԻ 21-ին, ՀԻՆԳՇԱՐԹԻ, երեկոյան ժամը 4-ին, Հոգևոր Ճեմարանում կազմակերպվել էր գրական-գեղարվեստական երեկո, ռաանողական ուժերով:

Հոգևոր Ճեմարանի տեսչության հրավերով և ուսանողության ցանկությամբ, այսօրվա գրական երեկոյին շատ գեղեցիկ և շինարար դասախոսություն կարդաց Վեհափառ Հայրապետը՝ «Աշխատանքի դերը մարդու իմացական, բարոյական և ֆիզիկական դաստիարակության գործում» թեմայով: Դասախոսությունը լավեց շափազանց մեծ ուշադրությամբ: Երեկոյին ներկա էին ամբողջ միաբանությունը, Ճեմարանի դասախոսական կազմը և վանքի պաշտոնեությունը:

Հոգևոր Ճեմարանի երգչախումբը, երաժշտության դասատու պ. Հրանտ Գևորգյանի ղեկավարությամբ, հաջողությամբ կատարեց մի շարք քառաձայն երգեր՝ «Մեր երգը», «Աշխույժ նավաստին», «Ողն է զով», Գ դասարանի ուսանող Գրիգոր Նևրոզյանը դաշնամուրի վրա նվագեց Բեթհովենի Սոնատան: Ինքնագիր գեղեցիկ շարադրություններ կարդացին բարեշնորհ Սարգիս սարկավագ Բեհրուդյանը՝ «Աղոթք և աշխատանք», Բ դասարանի յուսանող Կարապետ Սուքիասյանը՝ «Մեր աշխատանքի հերոսները» թեմայով: Բ դասարանի ուսանող Տիգրան Ութուշյանը արտասանեց Վահան Բեքեյանի «Նկեսեց Տեր» բանաստեղծությունը, իսկ Գ դասարանի ուսանող Սարգիս Սարգսյանը՝ «Գամ շինողներ»:

ՄԱՐՏԻ 22-ին, ՈՒՐԱԹ, Ճեմարանի ուսանողությունը, տեսչական- և ուսուցչական կազմի ընկերակցությամբ, հետիոտն զբոսապույտ կատարեց դեպի Զվարթնոց, տեղում ծանոթանալու համար հայ ճարտարապետության այդ չքնաղ կոթողի ճարտարապետական առանձնահատկություններին, կառուցվածքների պատմության և կատարված պեղումների արդյունքներին:

Երեկոյան հսկումի պահին, Մայր Տաճարում քարոզեց հոգեշնորհ Տ. Մուշեղ վարդապետ Պետրիկյանը՝ «Յիշեալի ընկալարանդէն զբարիս քո ի կեանսն քում և Ղազարոս՝ նոյնպէս զշարժարանսն, արդ, սա աստ միութարի և դու անդր պապակիս» բնաբանով:

ՄԱՐՏԻ 23-ին, ՇԱՐԱԹ, կիրակամտի ժամերգությունից հետո, տոնախմբով սրբերի հիշատակի առնչությամբ, քարոզեց հոգեշնորհ Տ. Մաշտոց արքեպիսկոպոսը, բնաբան ունենալով՝ «Ծանաշել զիմաստութիւն և զխրատ, իմանալ զբանս հանճարոյ»: Հայր սուրբը ցույց տվեց Հովհան Օձնեցի, Հովհան Որոտնեցի և Գրիգոր Տաթևացի հայրապետների կյանքն ու գործունեությունը և մաղթեց, որ «Հոգեւոր Ճեմարանի ուսանողությունը և երիտասարդ միաբան եղբայրները գիտակցությունն ունենան իրենց պարտավորությունների և պարտականությունների՝ հանդէպ Մայր Աթոռի, Մայր հողի և մայր ժողովրդի ու հարազատ պետության, ծառայելու այնպես, ինչպես ծառայել են Օձնեցիներ, Որոտնեցիներ և Տաթևացիներ, անձնուրացությամբ, զրկանքներով, քարոզելով հայ հավատացյալներին՝ «Ծանաշել զիմաստութիւն և զխրատ, իմանալ զբանս հանճարոյ»:

Ժամերգության և քարոզին ներկա էր Վեհափառ Հայրապետը:

ՄԱՐՏԻ 24-ին, ՏՆՏԵՍԻ ԿԻՐԱԿԻՆ, Մայր Տաճարում սուրբ պատարագ մատուցեց հոգեշնորհ Տ. Հայրիկ վարդապետ Ավետիսյանը: Տնտեսի առակի մասին քարոզեց հոգեշնորհ Տ. Մեսրոպ վարդապետը՝ «Տուր զհամար տնտեսության քո» բնաբանով:

Սուրբ պատարագին ներկա էր Վեհափառ Հայրապետը:

ՄԱՐՏԻ 29-ին, ՈՒՐԱԹ, երեկոյան ժամը 4-ին Հոգեւոր Ճեմարանում տեղի ունեցավ

հերթական երրորդ դասախոսությունը: «Հայնկեղեցու մղած հակաքաղկեդոնական պայքարը ազգային քաղաքական պայքարի տեսանկյունից» թեմայով դասախոսություն կարդաց արժանապատիվ Տ. Ռուբեն քահանա Մարտիրոսյանը:

Երեկոյան հսկումի պահին, Մայր Տաճարում քարոզեց հոգեշնորհ Տ. Հայրիկ վարդապետ Ավետիսյանը՝ «Յկայք առ իս ամենայն վաստակեալք և բեռնատրք» բնաբանով:

ՄԱՐՏԻ 31-ին, ԴԱՏԱՎՈՐԻ ԿԻՐԱԿԻՆ, Մայր Տաճարում պատարագեց հոգեշնորհ Տ. Մուշեղ վարդապետ Պետրիկյանը: Քարոզեց արժանապատիվ Տ. Հովհաննես քահանա Մարուքյանը՝ «Պարտ է յամենայն ժամ կալ յաղօթս և մի՛ ձանձրանալ» բնաբանով:

Սուրբ պատարագին ներկա էր Վեհափառ Հայրապետը:

ԱՊՐԻԼԻ 4-ին, ՀԻՆԿՇԱՐԹԻ, երեկոյան ժամը 4-ին Ճեմարանում կազմակերպվել էր գրական գեղարվեստական երեկու: Նշան արտասանություն, երգ, նվագ: Բարեշնորհ Տ. Խորեն սարկավազը կարդաց ինքնագիր մի շարադրություն «Մեր շարականները» թեմայով, իսկ Բ դասարանի ուսանող Սիգրան Ութուշյանը՝ «Մեր եկեղեցական մատենագիրները» թեմայի շուրջ: Գ դասարանի ուսանող Հակոբ Ծենեղյանը և Բ դասարանի ուսանող Ռաֆիկ Մկրտչյանը գրաբար հատվածներ կարդացին, առաջինը՝ Նարեկացուց և երկրորդը՝ Նզնիկ Կողբացուց:

Գրական երեկոյին բանախոսեց դասախոս պ. Արթուր Հատիտյանը, «Մեր եկեղեցական մատենագիրները և եկեղեցական գրական ժանրերը» թեմայի շուրջ:

ԱՊՐԻԼԻ 6-ին, ՇԱՐԱԹ՝ «Տօն Սրբոյն Գրիգորի Լուսաւորչին մերոյ սոսկալի շարժարանացն և մտին ի վիրապն» Այսօր փակ է Ճեմարանը: Մայր Տաճարում պաշտովում է սուրբ պատարագ: Պատարագին է Աղբրեջանի առաջնորդական տեղապահ հոգեշնորհ Տ. Տիրայր վարդապետ Մարտիրոսյանը, որը թեմական գործերով ժամանել է Մայր Աթոռ: Օրվա տոնի և մեծ սրբի մասին քարոզեց արժանապատիվ Տ. Ռուբեն քահանա Մարտիրոսյանը: «Մի՛ ի հայրն մեր, մի՛ և միակօսն Ազգն Հայոց» բնաբանով:

ԱՊՐԻԼ 7-ԻՆ, ԿԱԼՍՏՅԱՆ ԿԻՐԱԿԻՆ, Մայր Տաճարում պատարագեց գերաշնորհ Տ. Սահակ արքեպիսկոպոսը և կուսակրոն քահանա ձեռնադրեց բարեշնորհ Գարեգին սարկավագին, վերանվանելով նրան Տ. Պողոս քահանա: Երեկոյան ժամերգությունից հետո Տ. Սահակ արքեպիսկոպոսը կատարեց վեղարի տվությունը:

Նույն օրը Ս. Էջմիածնի քաղաքամիջի Ս. Աստվածածին եկեղեցում, Վեհափառ Հայրապետի բարեհաճ կարգադրությամբ, առաջին անգամ լինելով քարոզեց բարեշնորհ Մարգին սարկավագ Բեհբուդյանը՝ «Նւ լուսորոք զայս ի ծագաց մինչև ի ծագս երկրի, զի Աստուած ընդ մեզ է» բնաբանով:

Այսուհետև Վեհափառ Հայրապետի հրամանով հերթով կբարոդեն նաև Մայր Աթոռի մյուս սարկավագ միաբանները:

ԱՊՐԻԼԻ 8-ԻՆ, ԵՐԿՐԻՇԱՐԹԻ, երեկոյան ժամը 4-ին Հոգևոր Ճեմարանում բանախոսեց Աղբբեջանի թեմի առաջնորդական տեղապահ հոգեշնորհ Տ. Տիրայր վարդապետ Մարտիկյանը՝ «Բաքվի թեմն այսօր» թեմայով: Շնորհալի վարդապետը հանգամանորեն ծանրացավ Բաքվի հայ թեմի ազգային, եկեղեցական և մշակութային կյանքի վրա, իր խանդավառ տպավորությունները պատմեց Բաքվից և հայ համայնքից, և սրտագին կոչ իւղղեց ուսանողության՝ աննահանջ խրոմվելով հայ ժողովրդի հոգևոր ծառայության մեծ և պատասխանատու գործին:

ԱՊՐԻԼԻ 9-ԻՆ, ԵՐԵՎԱՆԻ ՍԱՅՐ ԱԹՈՒ ժամանեց Վրաստանի թեմի առաջնորդական տեղապահ հոգեշնորհ Տ. Վահան վարդապետ Գալամդարյանը, թեմական վարչական գործերով: Վեհափառ Հայրապետը բարեհաճեց ընդունել Տ. Վահան վարդապետին և զրույց ունեցավ նրա հետ թեմի գործերի կապակցությամբ:

Նույն օրը իր թեմը մեկնեց Աղբբեջանի առաջնորդական տեղապահ հոգեշնորհ Տ. Տիրայր վարդապետ Մարտիկյանը, որն ամսի 5-ին եկել էր Մայր Աթոռ թեմական գործերով: Տ. Տիրայր վարդապետը ընդունվեց Վեհափառ Հայրապետի կողմից:

ԱՊՐԻԼԻ 10-ԻՆ, ԶՈՐԵՔՇԱՐԹԻ, Վեհափառ Հայրապետի բարեհաճ կարգադրությամբ, ինքնաթիռով Ռումինիա մեկնեց Մայր Աթոռի միաբան հոգեշնորհ Տ. Հայրիկ վարդապետ Ավետիսյանը՝ գատկական տոներին

նախագահելու եկեղեցական արարողություններին և բանին կենաց քարոզությամբ մխիթարելու Ռումինիայի հայ հավատացյալ ժողովրդին:

Տ. Հայրիկ վարդապետին Երևանի օդանավակայանում ճանապարհեցին հոգեշնորհ Տ. Մեսրոպ վարդապետ Անթարյանը, բարեշնորհ Հովհաննես սարկավագ Դանիելյանը և Խորեն սարկավագ Պալյանը:

ԱՊՐԻԼԻ 11-ԻՆ, ՀԻՆԳՇԱՐԹԻ, երեկոյան ժամը 4-ին Հոգևոր Ճեմարանում բանախոսեց Ճեմարանի հայոց լեզվի և գրականության դասատու պ. Պարզե Շահբադյանը՝ «Գեղարվեստական գրականության դերը դաստիարակության գործում» թեմայով:

ԱՊՐԻԼԻ 12-ԻՆ, ՈՒՐԲԱԹ, առափնույան հանդիսավոր վերջին Արևազալի ժամերգությունից հետո, գարնանային օդով, Ճեմարանի ուսանողությունը, տեսչական և դասախոսական կազմը հետիոտն ուխտի գնացին Օշական, Ս. Մեսրոպի շիրմի առաջ խոնարհելու և նրա «աղվոր Ա Բ Գ-են դաս մը» խնդրելու:

Նույն օրը երեկոյան ժամը 8-ին Վեհափառում միաբանության համար բանախոսություն կարդաց հոգեշնորհ Տ. Մեսրոպ վարդապետ Անթարյանը «Ամենայն Հայոց Կաթողիկոս Տ. Տ. Վազգեն Ա-ի ուղևորությունը» գրքի հրատարակության կապակցությամբ՝ իբրանի հայ գաղութի ազգային, եկեղեցական, մշակութային կյանքի վերաբերյալ:

ԱՊՐԻԼԻ 14-ԻՆ, ԿԻՐԱԿԻ, ԾԱՂԿԱԶԱՐԴ, Մայր Աթոռում Մաղկաղարդի օրվա արարողությունները կատարվեցին ավանդական հանդիսությամբ: Մաղկաղարդի օրվա առթիվ Տ. Էջմիածին էին եկել բազմաթիվ ուխտավորներ և հավատացյալներ Երևանից, շրջաններից, Բաքվից, Թբիլիսիից և այլ վայրերից: Մայր Տաճարը, շրջափակը լեցուն էր ժողովրդական բազմությամբ: Մայր Տաճարը զարդարված էր ուռնետ թարմ ձյուններով: Միաբանությունը, տոնականորեն զգեստավորված, մասնակցում էր արարողություններին: Մայր Տաճարի կամարների տակ ուրախ և զվարթագին հնչում էին Մաղկաղարդի հոգեպարար երգերն ու մեղեդիները:

Տաճարում պաշտվում է հանդիսավոր սուրբ պատարագ:

Ժամը 11-ին Վեհափառից եկեղեցական թափոռով, զանգերի զվարթ ղողանջի տակ,

Մայր Տաճարի է իջնում Վեհափառ Հայրապետը:

«Հայր մեր»-ից առաջ քարոզում է պատարագիչ Սահակ արքեպիսկոպոս Տեր-Հովհաննիսյանը, նկարագրելով Քրիստոսի հանդիսավոր մուտքը Երուսաղեմ: Սուրբ պատարագի ավարտին եկեղեցական թափոցով Վեհափառ Հայրապետը առաջնորդվում է Վեհարան, օրհնելով հանդիսավոր շքերթի երկայնքն ի վար խոտենեցած հավաքված բազմությունը, որը գլուխ է խոնարհում հայրապետական օրհնության առաջ, ձեռքնեցում ուռնեու թարմ ճյուղեր:

Երեկոյան ժամը 5-ին, Վեհափառ Հայրապետի հանդիսադրությամբ, Մայր Տաճարում կատարվում է «Դոնբասցե»-ի խորհրդավոր արարողությունը, հավատացյալ ժողովրդի խոտեն բազմության ներկայությամբ: Իրման Ս. Սեղանի առաջ ծնկաչոք, շուրջը Մայր Աթոռի ողջ միաբանությունը հավաքած, Վեհափառ Հայրապետը աղերսաձայն երգում է, որ բացվեն աստվածային ողորմության և շնորհաց դռները հայ ժողովրդի առաջ: «Ձուրմութեան քո զգուտն բաց մեզ, Տէր» շարականի հնչյունների տակ բացվում են Մայր Տաճարի վարագույրները:



Աղորիլի 15-ին, ԱՎԱԳ ԵՐԿՈՒՇԱՐԹԻ, երեկոյան ժամը 8-ին Վեհարանում բանախոսեց է հոգեշնորհ Տ. Մուշեղ վարդապետ Պետիկյանը՝ «Վեհափառ Հայրապետի այցելությունը Եգիպտոս և Եգիպտոսի հայ դավութը այսօր» թեմայով:



Աղորիլի 16-ին, ԱՎԱԳ ԵՐԵՔՇԱՐԹԻ, Վեհափառ Հայրապետի հրամանով Բաքու մեկնեցին բարեշնորհ Հովհաննես Դանիելյան և Խորեն Պալյան սարկավազները՝ Ավագ շաբաթվա և Ս. Զատիկվա եկեղեցական տոնախմբություններին մասնակցելու համար:



Աղորիլի 17-ին, ԱՎԱԳ ԶՈՐԵՔՇԱՐԹԻ, Վեհափառ կարգադրությամբ Թբիլիսի մեկնեց հոգեշնորհ Տ. Մեսրոպ վարդապետ Անթարյանը, ընկերակցությամբ բարեշնորհ Սարգիս սարկավազ Բեհբուդյանի և Կարապետ սարկավազ Բենիկյանի, մասնակցելու համար Թբիլիսիում զատկական եկեղեցական հանդիսություններին:

Այսօր փակվեց Հոգևոր Ծեմարանը Զատիկի արձակուրդների առթիվ: Ուսանողությունը Զատիկի տոներից հետո ապրիլի 22-ին կամենի տուն արձակուրդով մինչև մայիսի 3-ը:



Աղորիլի 18-ին, ԱՎԱԳ ՀԻՆԳՇԱՐԹԻ, «ՅԻՇԱՏԱԿ ԸՆԹՐԵԱՑ ՏԵԱՌՆ ՄԵՐՈՑ ՑԻՍՈՒՍԻ ՔՐԻՍՏՈՍԻ»:

Առավոտյան ժամերգությունից հետո Մայր Տաճարում մատուցվում է հանդիսավոր սուրբ պատարագ: Պատարագում է Վրաստանի թեմի առաջնորդ և Գերագույն Հոգևոր Խորհրդի անդամ գերաշնորհ Տ. Վարդան եպիսկոպոս Տեր-Սահակյանը:

Սուրբ պատարագին ներկա էր Վեհափառ Հայրապետը:

Հավարտ սուրբ պատարագի հաղորդվում է հավատացյալների մի մեծ բազմություն: Հաղորդվում է նաև Հոգևոր Ծեմարանի ուսանողությունը:

Երեկոյան ժամը 5-ին, Նորին Ս. Օծություն Վեհափառ Հայրապետի հանդիսադրությամբ, Ավագ Սեղանի վրա կատարվում է Ունա-վայի հանդիսավոր կարգը: Վեհափառ Հայրապետը, ղեկավարելով, սեղանի առաջ ծնրադիր, քրիստոսանման խոնարհությամբ, մեկ առ մեկ լվանում է Մայր Աթոռի միաբաններից և Ծեմարանի ուսանողներից 12-ի ոտքերը և օծում օրհնված յուշով: Ունա-վայի արարողությունից հետո երկյուղած բարեպաշտությամբ հայ հավատացյալը տուն է տանում Տաճարում օրհնված յուշից մի կտոր, նրա մեջ խտացած տեսնելով իր հավատը, իր բարեպաշտությունը, այն երջանիկ և անսուտ հավատով, որ երբեք չի պակասի իր հոգու մաքուր ձեթը:

Գիշերվա ժամը 8-ին հսկումն է: Մայր, Տաճարում սևով են ծածկվել սեղաններն ու գրակալները: Ավագ Սեղանի վրա առկա-ծում է տասներկու կերոն: Մատուցության ա-հավոր գիշերն է...: Սկսվում է ժամերգու-թյունը սաղմոսերգությամբ: Լսվում են երգ-վող տխուր շարականների և կարդացված ավետարանական ընթերցումների միջից Քրիստոսի մատնության մանրամասնու-թյունները: մինչև մի առ մի հանգում են սեղանի մոմերը:

Մինչև ուշ գիշեր Տաճարը լիքն է ջերմե-ռանդ հավատացյալների բազմությամբ: Հրու-կումին քարոզում է գերաշնորհ Տ. Սահակ արքեպիսկոպոսը:

Հսկումին ներկա էր Վեհափառ Հայրապե-տը, որը և կարդաց մատուցության առաջին ավետարանը:



ԱՊՐԻԼԻ 19-ԻՆ, ԱՎԱԳ ՈՒՐԱԲԹ, «ՅԻՇԱՍԱԿ ԶԱՐԶԱՐԱՆԱՑ ԵՒ ԽԱԶԵԼՈՒԹԵԱՆ ՏԵԱՆՆ ՄԵՐՈՑ ՑԻՍՈՒՄԻ ՔՐԻՍՏՈՍԻ»:

Մայր Տաճարում կատարվում է Հիսուսի մատնության, չարչարանքի և խաչելության կարգը, մասնակցությանը ամբողջ միաբանության և ուսանողության:

Երեկոյան ժամը 5-ին Վեհափառ Հայրապետը Մայր Տաճարում նախագահում է Ավագ ուրբաթի Քրիստոսի թաղման կարգի կատարման հանդիսություն: Տաճարը լիքն է աղոթողներով: Իշման Ս. Սեղանի առաջ, սպիտակ դաստառակով ծածկված սեղանի վրա դրված են Քրիստոսի թաղումը ներկայացնող սրբազան իրեր: Հնչում են լալագին ու տխուր թաղման երգերն ու մեղամաղձիկ շարականները, մանավանդ «Պարգևատուն ամենեցուն»-ը, որի բառերը գրված Ս. Սահակ Պարթևից և եղանակը համակ վիրտ են արտահայտում: Եկեղեցին սգում է Աստվածորդու խաչելությունն ու թաղումը:

ԱՊՐԻԼԻ 20-ԻՆ, ԱՎԱԳ ՇԱՐԱԲԹ, «ՃՐԱԳԱՆՈՑ ԶԱՏԿԻ»:

Հարության ճրագալույցի երեկոն է: Տաճարը լիքն է հավատացյալներով: Ժամը 5-ին, հանդիսավոր եկեղեցական թափորով, Մայր Տաճար է իջնում Վեհափառ Հայրապետը: Սկսվում է երեկոյան ժամերգությունը: Ծննդարանի ուսանողների կողմից Դանիելի գրքի հանդիսավոր ընթերցումից հետո բացվում է Ավագ Սեղանի վարագույրը: Ծրագալույցի երեկոյան հանդիսավոր ժամն է: Պատարագրում է Սահակ արքեպիսկոպոսը: Պատարագի ընթացքում, վեհ ու հանդիսավոր, հնչում է Քրիստոսի հրաշափառ հարության հիմնը՝ «Դովեա», նրուսաղէմ, զՏէր, յարեաւ Քրիստոս ի մեռելոց»:

Փառք Տիրոջ հրաշափառ հարության:

Վեհափառ Հայրապետը նախագահում է Զատիկի նախատոնակի հանդիսություն: Հաղորդվում են շատերը: Արձակվում է սուրբ պատարագը: Բազմությունը, Քրիստոսի հարության լույսով պայծառացած, հորդում է եկեղեցուց դուրս և հարության լույսերն ու ավետիսը տանում դեպի հայ երդիքները:

«ՇՆՈՐՀԱՎՈՐ ԶԱՏԿԻ, ՔՐԻՍՏՈՍ ՀԱՐՅԱՎ Ի ՄԵՆԵԼՈՑ»:

ԱՅՑԵԼՈՒԹՅՈՒՆՆԵՐ

ՄԱՐՏԻ 24-ԻՆ, ԿԻՐԱԿԻ, Մայր Աթոռ այցելեց Պեկինի Գեղարվեստների ակադեմիայի պրոֆ. վարիչ Դոն Սի-վենը, որը Մայր Տաճարը և եկեղեցական հնագիտական թանգարանը այցելելուց հետո իր տպավորությունները գրեց թանգարանի հուշամատուցանում: «Էջմիածնի Տաճարը համադրումն է քրիստոնեական հավատի և խելացի ժողովրդի բազմադարյան պատմության»:

ԱՊՐԻԼԻ 11-ԻՆ, ՀԻՆԳՇԱԲԹԻ, Մայր Աթոռ այցելեց Ֆինլանդիայի կուլտուրայի գործիչների պատվիրակությունը, որի կազմումն էին Ֆինլանդիայի սեյմի դեպուտատներ պ. Գեստա Ռոզենբերգը (պատվիրակության ղեկավար) և էլլի Նարմինենը: Հյուրերը եղան Մայր Տաճարում, եկեղեցա-հնագիտական թանգարանում և մեկնեցին լավագույն տպավորություններով:

